

Jadranska 9/I, 71000 Sarajevo

Tel: +387 61 778 547

**UGOVOR O DIREKTNOM SPORAZUMU
O PRUŽANJU ADVOKATSKIH USLUGA ZA 2020. GODINU**

Temeljem prihvaćene Ponude advokata za zaključenje direktnog sporazuma o pružanju advokatskih usluga od 10.12.2019. godine, dana _____, godine zaključuje se Ugovor o direktnom sporazumu o pružanju advokatskih usluga za 2020. godinu između:

1. **JAVNA USTANOVA BIBLIOTEKA SARAJEVO**, ulica Mis Irbina broj 4, zastupana po direktoru i zakonskom zastupniku Topčić Zlatku, s jedne strane kao vlastodavca (u daljem tekstu: Vlastodavac) i
2. **ADVOKATA SANJE BEĆIROVIĆ - ZIJADIĆ**, iz Sarajeva, Ul. Jadranska broj 9/I (u daljem tekstu: Advokat),

kojim ugovorne strane regulišu svoje odnose kako slijedi:

PREDMET UGOVORA

Član 1.

Advokat za potrebe Vlastodavca obavlja naročito sljedeće poslove:

1. zastupanje Vlastodavca pred sudovima i drugim organima po tužbama, zahtjevima i prijedlozima Vlastodavca ili protiv Vlastodavca u radnopravnim sporovima,

2. sastavljanje opomena pred tužbu, tužbi, prijedloga, zahtjeva i drugih podnesaka radi ostvarivanja određenih prava Vlastodavca pred sudovima i drugim organima u radnopravnim sporovima,
3. preduzimanje svih drugih pravnih radnji u spornim radnopravnim odnosima Vlastodavca,
4. konsultacije u vezi sa zaključivanjem složenijih ugovora iz radnopravne problematike,

Sve naprijed navedene poslove Advokat obavlja na osnovu posebne punomoći za svaki konkretan posao, ili u skladu sa uputama direktora ili drugih, po direktoru ovlaštenih lica.

Ugovor o generalnom zastupanju ne podrazumijeva odbranu Vlastodavca i lica zaposlenih kod Vlastodavca u krivičnim i prekršajnim postupcima.

Ukoliko Vlastodavcu bude potrebno zastupanje u postupku u kojem je potrebno posebno stručno znanje iz oblasti za koju nisu specijalizirani advokati, Advokat se obavezuje da će obezbijediti zastupanje drugog advokata, a o trošku Vlastodavca.

CIJENA USLUGA

Član 2.

Vlastodavac se obavezuje da će Advokatu plaćati mjesečnu paušalnu nagradu u iznosu od 250,00 KM bez obzira na vrstu i obim advokatskih usluga pruženih u toku mjeseca.

Račun se ispostavlja jednom mjesečno za protekli mjesec i Vlastodavac je dužan platiti račun u roku od 15 dana od dana prijema računa na transakcijski račun Advokata.

Član 3.

Ugovorne strane saglasno konstatuju da Advokat obavlja advokatske usluge za Vlastodavca počev od 01.01.2020. godine, te da se ugovor primjenjuje do 31.12.2020. godine.

OSTALE ODREDBE

Član 4.

Advokat je po pozivu vlastodavca dužan dostavljati pismene izvještaje o urađenim poslovima, kao i o poslovima koji su u toku.

Član 5.

Od zaključivanja ugovora, za sve vrijeme njegovog trajanja, Advokat ne može uzimati za zastupanje stranke koje imaju interes suprotan interesu Vlastodavca.

Član 6.

Ukoliko je potrebno da Advokat napusti kancelariju radi obavljanja poslova Vlastodavca izvan Sarajeva, Advokat ima pravo na naknadu troškova shodno odredbama Advokatske tarife o naknadi troškova.

Član 7.

Ugovor se može raskinuti sporazumno ili na osnovu jednostrane izjave jedne od ugovornih strana.

U slučaju raskida ugovora iz bilo kojih razloga Advokat je dužan nastaviti sa započetim poslom još 30 dana radi sprečavanja štetnih posljedica po Vlastodavca.

Član 8.

Ovaj ugovor je sačinjen u tri istovjetna primjerka, od kojih svaka ugovorna strana zadržava po jedan primjerak, dok se jedan primjerak dostavlja Regionalnoj advokatskoj komori Sarajevo.



VLASTODAVAC:

ADVOKAT:

BIBLIOTEKA SARAJEVA
SARAJEVO

Broj: 08-1-1537/19

Datum, 12.12.2019. 200....